

重修植物名實圖考

小野職慤重修
果類

世一上

重修植物名實圖考卷之三十一 上下

清國 吳其濬原撰

日本 伊藤圭介 校閱
小野職慤 重修

岡松麿谷 句讀

果類

林檎 リンゴ

榲桲 マルメロ

文林郎 無圖

胡桃

榛 ハシヅミ

阿月渾 無圖

菴羅果

柑 ミカン

乳柑子 無圖附橘錄

橙 ダイダイ

新會橙

荔枝 レイシ

海松子 カンシヤウ

水松

楊梅 ヤマモミ

烏欖 カンラン 即木威子

桃椰子 シブカキ

棗梯 マシハシリ

甜瓜 マシハシリ 甜瓜蒂

朱欖

公孫結

以上上卷
以下下卷

西瓜 スイカ

蘋婆

羊矢果

蜜羅 マルアシユカン 即蜜甯

勃臍 クロクハシ

橄欖 カンラン

椰子 ヤシ 附樹頭酒

荔枝 サルナシ 無圖

獼猴桃

枸櫞 アシユカン

金橘 ナガミキンカン

銀杏 ギンナン

人面子 ニンメシ

黃皮果 ワシビ

秋風子

榉果

棠梨 コリンゴ

天茄子 テウシアラガホ

海紅 カイダウ

五斂子 ゴレンシ 即羊桃

露兜子 アナ、ス

雞矢果 バンシロウ

糖刺果

番瓜 バンシヤウエン

岡拈子

黎檬子 レモン

哈蜜瓜

胡頹子 無圖

沙棠 無圖

無花果 イチジク

波羅蜜

天師栗

鏈子

落花生 タウジンマメ

番荔枝 バンレイシ

佛桃

山橙

瓦瓜

都咸子 無圖

麕目 無圖

古度 無圖

木
物
之
實
目
示

野木瓜

木桃兒樹


櫨子樹

水茶白

文冠果

奎
文
堂
刊
行

林檎



林檎

林檎

林檎、開寶本草始著錄、卽沙果、李時珍、以爲文林郎果、卽此、

〔長編〕開寶本草、林檎、味酸、甘溫無毒、多食、發熱、澀氣、令人好睡、發冷痰、生瘡、癰、百脈不行、其樹似柰子、亦圓如柰、六月七月熟、今在處有之、

圖經、林檎、舊不著所出州土、今在處有之、或謂之來禽、木似柰、實比柰差圓、六月七月熟、亦有甘酢二種、甘者早熟、而味肥美、酢者差晚、須爛熟、乃堪噉、病消渴者、宜食之、亦不可多、反令人心生冷痰、今市間醫人、亦乾之、入治傷寒藥、謂之林檎散、

齊民要術、柰、林檎、不種、但栽之、種之、雖生、而味不佳、取栽、如壓桑法、此果、根不浮藏、栽故難求、是以須壓也、

又法、栽如桃李法、林檎樹、以正月二月中、反斧、斑駁椎之、則饒子、作林檎麩法、林檎赤熟時、擘破、去子心蒂、日曬令乾、或磨或擣、下細絹篩、麩者、更磨擣、以細盡爲限、以方寸匕、投於椀中、卽成美漿、不去蒂、則大苦、合子、則不度夏、留心、則大酸、若乾噉者、以林檎麩一升、和米麪二升、味正適調、

本草綱目、李時珍曰、林檎、卽柰之小而圓者、其味酢者、卽楸子也、其類有金林檎、紅林檎、水林檎、蜜林檎、黑林檎、皆以色味立名、黑者、色似紫柰、有冬月再實者、林檎熟時、晒乾、研末、點湯服、甚美、謂之林檎麩、僧贊寧、物類相感志云、林檎樹、生毛蟲、埋蠶蛾于下、或以洗魚水澆之、卽止、皆物性之妙也、


洽聞記、唐永徽中、魏郡臨黃、王國村人、王方言、嘗於河中灘上、拾得一小樹、栽埋之、及長、乃林檎也、實大如小黃瓠、色白如玉、間以珠點、亦不多、三數而已、有如纈、實爲奇果、光明瑩目、又非常美、紀王慎、爲曹州刺史、有得之獻王、王貢於高宗、以爲朱柰、又名五色林檎、或謂之聯珠果、種於苑中、西域老僧、見之云、是奇果、亦名林檎、上大重之、賜王方言、文林郎、亦號此果、爲文林郎果、俗云頻婆果、河東亦多林檎、秦中亦不少、河西諸郡、亦有林檎、皆小於文林果、

文林郎

本草拾遺、文林郎、味甘無毒、主水痢、去煩熱、子如李、或如林檎、生渤海間、人食之、云其樹從河中浮來、拾得人、身是文林郎、因此以爲名也、

海藥本草、又南山亦出、彼人呼楹梓、是味酸香微、溫無毒、主水瀉、腸虛、煩熱、並宜生食、散酒氣也、

榲桲



榲桲

榲桲


榲桲開寶本草始著錄、今惟產陝西、形似木瓜、又似梨、多以釘盤、有攜至京師者、取其香氣、置盤筥中、以薰鼻煙、不復供食、

〔長編〕開寶本草、榲桲味酸甘、微溫無毒、主溫中、下氣、消食、除心間酸水、去臭、辟衣魚、生北土、似榧子而小、

圖經、榲桲舊不著所出州土、今關陝有之、沙苑出者更佳、其實大抵類榧、但膚慢而多毛、味尤甘、治胸膈中積食、去醋水、下氣、止渴、欲臥、噉一兩枚而寢、生熟皆宜、榧子處處有之、孟州特多、亦主霍亂、轉筋、並煮汁飲之、可敵木瓜、常食之、亦去心間酸痰、皮擣末、傅瘡上黃水、實初熟時、其氣氣馥、人將致衣筥中、亦香、游宦紀聞、唐鄧間多大榲、初生澀、堅實如石、凡百十榲、以一榧楂置其中、則紅爛如泥、而可食、榲桲亦可代榧楂用、此歐公歸田錄所載、但江南人不識榲桲、世南侍親官蜀、至梁益間、方識之、大者如梨、味甜而香、用刀切、則味損而黑、凡

食時、先以巾拭去毛、以巾包、於柱上擊碎、其味甚佳、蜀人以楡梔、切去頂、剝去心、納檀香沉香末、并麝少許、覆所切之頂、線縛蒸爛、取出、俟冷、研如泥、入腦子少許、和勻、作小餅燒之、香味不減龍涎、
述異記、江淮南人、至北、見楡梔、以爲楸子、

胡桃



胡桃

胡桃、開寶本草、始著錄、北方多有之、唯永平府所產、皮薄、謂之露穰核桃、木堅、作器物良、

〔長編〕開寶本草、胡桃、味甘平無毒、食之、令人肥健、潤肌、黑髮、取瓢燒令黑、未斷煙、和松脂、研傅、瘰癧瘡、又和胡粉、爲泥、拔白鬚髮、以內孔中、其毛皆黑、多食、利小便、能脫人肩、動風故也、去五痔、外青皮、染髭及帛、皆黑、其樹皮、止水痢、可染褐、仙方、取青皮壓油、和詹糖香、塗毛髮、色如漆、生北土、云張騫從西域將來、其木、舂斫、皮中出水、承取沐頭、至黑、

廣志、陳倉胡桃、薄皮多肌、陰平胡桃、大而皮脆、急捉則碎、酉陽雜俎、胡桃仁、曰蝦蟆、樹高丈許、春初生葉、長三寸、兩兩相對、三月開花、如栗花、穗蒼黃色、結實如青桃、九月熟時、漚爛皮肉、取核內仁、爲果、北方多種之、以殼薄仁肥者、爲佳、

本草綱目、李時珍曰、三焦者、元氣之別使、命門者、三焦之本原、蓋一原一委也、命門、指所居之府而名、爲藏精係胞之物、三焦指分治之部而名、爲出納腐熟之司、蓋一以體名、一以用名、其體、非脂非肉、白膜裹之、在七節之旁、兩腎之間、二系著脊、下通二腎、上通心肺、實屬於腦、爲生命之原、相火之主、精氣之府、人物皆有之、生人生物、皆由此出、靈樞本臟論、已著其厚薄緩急之狀、而扁鵲難經、不知原委體用之分、以右腎爲命門、謂三焦有名無狀、而高陽生、僞撰脈訣、承其謬說、以誤後人、至朱肱南陽活人書、陳言三因方論、戴起宗脈訣刊誤、始著說闢之、而知之者尙尠、胡桃仁、頗類其狀、而外皮水汁皆青黑、故能入北方、通命門、利三焦、益氣養血、與破故紙、同爲補下焦腎命之藥、夫命門氣、與腎通、藏精血、而惡燥、若腎命不燥、精氣內充、則飲食自健、肌膚光澤、腸腑潤、而血脈通、此胡桃佐補藥、有令人肥健能食、潤肌黑髮、固精治燥調血之功也、命門既通、則三焦利、故上通於肺、而虛寒喘嗽者、宜之、下通於腎、而腰脚虛痛者、宜之、

內而心腹諸痛可止、外而瘡腫之毒可散矣、洪氏夷堅志、止言胡桃治痰嗽、能
歛肺、蓋不知其爲命門三焦之藥也、油胡桃、有毒、傷人咽肺、而瘡科取之、用其
毒也、胡桃制銅、此又物理之不可曉者、洪邁云、邁有痰疾、因晚對、上遣使、諭令
以胡桃肉三顆、生薑三片、臥時嚼服、卽飲湯兩三呷、又再嚼桃薑、如前數、卽靜
臥、必愈、邁還玉堂、如旨服之、及旦、而痰消嗽止、又溧湯洪輯幼子、病痰喘、凡五
晝夜不乳食、醫以危告、其妻夜夢、觀音授方、令服人參胡桃湯、輯急取新羅人
參寸許、胡桃肉一枚、煎湯、一蜺殼許、灌之、喘卽定、明日、以陽剝去胡桃皮、用之、
喘復作、仍連皮用、信宿而瘳、此方不載書冊、蓋人參定喘、胡桃連皮、能歛肺故
也、羣芳譜、核桃種植、選平日實佳者、留樹上弗摘、俟其自落、青皮自裂、又揀殼
光紋淺體重者、作種、掘地二三寸、入糞一盃、鋪片瓦、種一枚、覆土、踏實、水澆之、
冬月凍裂殼、來春自生、下用瓦者、使無入地直根、異日好移栽也、

榛



榛

奎文堂刊行